

Na osnovu člana 109. stav (1) Zakona o električnoj energiji Federacije Bosne i Hercegovine ("Službene novine Federacije BiH", broj 60/23), Regulatorna komisija za energiju u Federaciji Bosne i Hercegovine je na VI redovnoj sjednici održanoj u Mostaru 15.3.2024. godine donijela

PRAVILNIK

O METODOLOGIJI ZA UTVRĐIVANJE CIJENA ZA SNABDIJEVANJE ELEKTRIČNOM ENERGIJOM KRAJNJIH KUPACA KOD JAVNOG I REZERVNOG SNABDJEVAČA

DIO PRVI - OPŠTE ODREDBE

Član 1.

(Predmet pravilnika)

Ovim pravilnikom Regulatorna komisija za energiju u Federaciji Bosne i Hercegovine (u daljem tekstu: FERK) propisuje:

- prava i obaveze, te način snabdijevanja krajnjih kupaca,
- uspostavu javnog i rezervnog snabdjevača, te njihova prava i obaveze,
- metodologiju za utvrđivanje cijena za snabdijevanje električnom energijom kod javnog snabdjevača,
- metodologiju za utvrđivanje cijena za snabdijevanje električnom energijom kod rezervnog snabdjevača.

Član 2.

(Cilj)

Cilj donošenja ovog pravilnika je propisivanje jasnih i nediskriminatornih pravila za snabdijevanje krajnjih kupaca u okviru javne usluge u skladu sa odredbama Zakona o električnoj energiji Federacije Bosne i Hercegovine (u daljem tekstu: Zakon).

Član 3.

(Skratčenice i definicije)

Skratčenice i definicije koje se koriste u ovom pravilniku, uključujući i one iz Zakona i drugih pravila i propisa FERK-a, imaju sljedeće značenje:

- "Javno snabdijevanje"** znači javnu uslugu snabdijevanja električnom energijom krajnjih kupaca iz kategorije domaćinstva, malih kupaca i krajnjih kupaca od posebnog društvenog značaja, pod uslovima propisanim Zakonom.
- "Javni snabdjevač"** označava elektroenergetski subjekt koji snabdijeva električnom energijom male kupce, kupce iz kategorije domaćinstva i krajnje kupce od posebnog društvenog značaja, koji nisu odabrali snabdjevača na tržištu.
- "Krajnji kupac"** označava kupca koji kupuje električnu energiju za vlastitu upotrebu.
- "Krajnji kupci od posebnog društvenog značaja"** označava subjekte čiji su objekti priključeni na distributivni sistem električne energije napona nižeg od 1 kV i koji obavljaju djelatnosti i poslove odgojno-obrazovnih, humanitarnih, socijalnih, vjerskih ustano-va, organizacija i udruženja, poslove zapošljavanja i smještaja posebnih kategorija lica i druge poslove od posebnog društvenog značaja koje odlukom odredi FERK.
- "Kupac iz kategorije domaćinstva"** znači kupca koji kupuje električnu energiju za upotrebu u vlastitom domaćinstvu, isključujući komercijalne ili profesionalne djelatnosti.
- "Mali kupac električne energije"** označava krajnjeg kupca (pravna lica i obrtnici) koji ispunjavaju sljedeće uslove kumulativno: manje od 50 zaposlenika, ukupan godišnji prihod u iznosu do 8.000.000,00 KM, svi objekti priključeni su na distributivni sistem električne

energije napona nižeg od 1 kV i potrošnja električne energije u prethodnoj kalendarskoj godini postojećeg krajnjeg kupca, odnosno planirana potrošnja novog krajnjeg kupca, manja je od 50.000 kWh.

- "Operator distributivnog sistema"** znači pravno lice odgovorno za rad, upravljanje, održavanje i razvoj distributivnog sistema na određenom geografskom području i njegovo povezivanje sa drugim sistemima, te za osiguranje dugoročne sposobnosti sistema da zadovolji razumnu potražnju za distribucijom električne energije na ekonomski primjeren način.
- "Operator sistema"** označava operatora distributivnog sistema ili operatora prenosnog sistema.
- "Snabdjevač"** znači pravno lice koje obavlja djelatnost snabdijevanja krajnjih kupaca električnom energijom.
- "Rezervni snabdjevač"** znači snabdjevača koji ima obavezu krajnjeg kupca snabdijevati električnom energijom u slučaju kada ga odabrani snabdjevač prestane snabdijevati.
- "Rezervno snabdijevanje"** znači javnu uslugu snabdijevanja električnom energijom krajnjih kupaca koji su pod određenim uslovima ostali bez snabdjevača pod uslovima propisanim ovim zakonom.

DIO DRUGI - PRAVO NA JAVNO I REZERVNO SNABDIJEVANJE

Član 4.

(Krajnji kupci koji imaju pravo na snabdijevanje kod javnog i rezervnog snabdjevača)

- Pravo na snabdijevanje električnom energijom kod javnog snabdjevača imaju kupci iz kategorije domaćinstva, mali kupci električne energije i krajnji kupci od posebnog društvenog značaja.
- Krajnji kupci priključeni na prenosnu i distributivnu mrežu, izuzev krajnjih kupaca koji imaju pravo na javno snabdijevanje, imaju pravo na rezervno snabdijevanje električnom energijom kod rezervnog snabdjevača.

Član 5.

(Lista kupaca)

Operator distributivnog sistema dužan je da jednom godišnje, najkasnije do 31. marta tekuće godine, utvrdi listu kupaca koji imaju status malog kupca električne energije ili krajnjeg kupca od posebnog društvenog značaja, te o tome obavijesti ove kupce i snabdjevače.

DIO TREĆI - JAVNI SNABDJEVAČ

Član 6.

(Određivanje javnog snabdjevača)

- Vlada Federacije BiH donosi odluku kojom određuje javnog snabdjevača na period do pet godina.
- Javni snabdjevač određuje se za geografska područja koja odgovaraju zonama nadležnosti operatora distributivnog sistema, na osnovu javnih, fer i dokazivih kriterija koji se odnose na udio u snabdijevanju krajnjih kupaca na području nadležnog operatora distributivnog sistema, tehničke, organizacione i materijalno-finansijske mogućnosti za obavljanje javnog snabdijevanja.

Član 7.

(Obaveze javnog snabdjevača)

- Javni snabdjevač ima obavezu snabdijevati kupce iz kategorije domaćinstva, male kupce električne energije i krajnje kupce od posebnog društvenog značaja ukoliko isti nisu izabrali snabdjevača na slobodnom tržištu, kao i ponovno ih snabdijevati nakon što su prethodno koristili pravo snabdijevanja na tržištu.

- (2) Javni snabdjevač ima obavezu snabdijevati krajnje kupce iz stava (1) ovog člana po cijenama na koje je dao saglasnost ili ih je utvrdio FERK.
- (3) Javni snabdjevač dužan je osigurati redovno i sigurno snabdijevanje krajnjih kupaca električnom energijom.
- (4) Javni snabdjevač dužan je FERK-u dostavljati sve potrebne podatke i dokaze o cijeni nabavke električne energije za javno snabdijevanje.
- (5) Javni snabdjevač dužan je uspostaviti korisničke centre za pružanje informacija, komisiju za rješavanje prigovora krajnjih kupaca i posredovati u ostvarivanju prava krajnjih kupaca kod operatora sistema.
- (6) Javni snabdjevač je obavezan izvršavati i sve druge obaveze propisane Zakonom, Opštim uslovima za isporuku i snabdijevanje krajnjih kupaca električnom energijom, drugim pravilima i propisima FERK-a i uslovima dozvole.

DIO ČETVRTI - REZERVNI SNABDJEVAČ

Član 8.

(Određivanje rezervnog snabdjevača)

- (1) Vlada Federacije BiH određuje snabdjevača koji će obavljati rezervno snabdijevanje na teritoriji Federacije BiH na period do pet godina.
- (2) Rezervni snabdjevač određuje se za geografska područja koja odgovaraju zonama nadležnosti operatora distributivnog sistema, na osnovu kriterija koji se odnose na tržišni udio u snabdijevanju krajnjih kupaca na području nadležnog operatora distributivnog sistema, tehničke, organizacione i materijalno-finansijske mogućnosti za obavljanje rezervnog snabdijevanja.

Član 9.

(Obaveze rezervnog snabdjevača)

- (1) Rezervni snabdjevač, na svom području djelovanja, ima obavezu snabdijevati krajnje kupce priključene na prenosnu i distributivnu mrežu, izuzev krajnjih kupaca koji imaju pravo na javno snabdijevanje, u slučaju kada postojeći snabdjevač, kojeg je krajnji kupac slobodno izabrao, prestane vršiti isporuku električne energije iz sljedećih razloga:
 - a) bankrota, stečajnog postupka ili likvidacije,
 - b) prestanka ili oduzimanja dozvole,
 - c) nezaključenja ugovora između krajnjeg kupca i snabdjevača ili jednostranog raskida ugovora od snabdjevača, osim ako je prethodni ugovor prestao kao posljedica neizvršavanja obaveze plaćanja od krajnjeg kupca.
- (2) Rezervni snabdjevač ima obavezu pružati rezervno snabdijevanje krajnjem kupcu od dana ispunjenja uslova za korištenje prava na rezervno snabdijevanje iz stava (1) ovog člana, a najduže 90 dana.
- (3) Rezervni snabdjevač i krajnji kupac, koji koristi pravo na rezervno snabdijevanje, zaključuju ugovor o rezervnom snabdijevanju najkasnije u roku od osam dana od dana početka rezervnog snabdijevanja.
- (4) Rezervni snabdjevač je obavezan izvršavati i sve druge obaveze propisane Zakonom, Opštim uslovima za isporuku i snabdijevanje krajnjih kupaca električnom energijom, drugim pravilima i propisima FERK-a i uslovima dozvole.

Član 10.

(Obustava isporuke električne energije krajnjem kupcu koji koristi pravo na rezervno snabdijevanje)

- (1) Ukoliko krajnji kupac ne zaključi ugovor iz člana 9. stav (3) ovog pravilnika u roku od osam dana od dana prijema ugovora, operator sistema vrši obustavu isporuke električne energije na zahtjev rezervnog snabdjevača, a krajnji kupac je dužan platiti preuzetu električnu energiju po cijenama rezervnog snabdjevača.

- (2) Operator sistema, po prijemu obavještenja rezervnog snabdjevača, vrši obustavu isporuke električne energije krajnjem kupcu koji ne zaključi ugovor o snabdijevanju sa tržišnim snabdjevačem do isteka roka definisanog ugovorom o rezervnom snabdijevanju.

DIO PETI - METODOLOGIJA ZA UTVRĐIVANJE CIJENA SNABDIJEVANJA KOD JAVNOG SNABDJEVAČA

Član 11.

(Način utvrđivanje cijena snabdijevanja kod javnog snabdjevača)

- (1) Javni snabdjevač predlaže cijene za snabdijevanje krajnjih kupaca kod javnog snabdjevača u skladu sa metodologijom za utvrđivanje cijena snabdijevanja kod javnog snabdjevača, koja je utvrđena ovim pravilnikom.
- (2) Cijene iz stava (1) ovog člana moraju biti predložene FERK-u najkasnije 60 dana prije planirane primjene istih.
- (3) FERK daje saglasnost na predložene cijene iz stava (1) ovog člana.
- (4) U slučaju da cijene koje je predložio javni snabdjevač nisu utvrđene u skladu sa metodologijom iz stava (1) ovog člana, FERK neće dati saglasnost na predložene cijene. U ovom slučaju FERK samostalno utvrđuje cijene za javno snabdijevanje.
- (5) Nakon dobivanja saglasnosti FERK-a na predložene cijene, odnosno nakon što FERK utvrdi cijene u skladu sa stavom (4) ovog člana, javni snabdjevač je obavezan na svojoj službenoj internet stranici objaviti cijene snabdijevanja kod javnog snabdjevača koje uključuju cijenu nabavke električne energije, cijenu usluge snabdijevanja javnog snabdjevača, kao i tarife za korištenje distributivne/prenosne mreže.

Član 12.

(Cijene snabdijevanja kod javnog snabdjevača)

Cijene snabdijevanja kod javnog snabdjevača sastoje se od:

- a) cijene nabavke električne energije,
- b) cijene usluge snabdijevanja javnog snabdjevača,
- c) cijene korištenja distributivne/prenosne mreže.

Član 13.

(Naknade i porezi)

U cijene iz člana 12. ovog pravilnika nisu ukalkulisane propisane naknade i iznos poreza na dodatu vrijednost koje su javni snabdjevači obavezni evidentirati na svakom individualnom računu krajnjeg kupca u skladu sa važećim propisima.

Član 14.

(Cijena nabavke električne energije)

- (1) Javni snabdjevači u Federaciji BiH nabavljaju električnu energiju za snabdijevanje krajnjih kupaca na ekonomičan i efikasan način u cilju odabira najpovoljnije ponude.
- (2) Pod nabavkom električne energije podrazumijeva se električna energija proizvedena u elektranama javnog elektroprivrednog preduzeća, kao i nabavka električne energije na tržištu.
- (3) Javni snabdjevač je obavezan osigurati svu potrebnu energiju i snagu za krajnje kupce, koji imaju pravo i izabrali su se snabdijevati kod javnog snabdjevača.
- (4) Postupak nabavke energije iz stava (3) ovog člana javni snabdjevač može vršiti u više faza, sa tim da postupak nabavke najmanje 70% potreba za energijom krajnjih kupaca koji se snabdijevaju kod javnog snabdjevača mora biti završen najkasnije do 15.10. u godini koja prethodi godini na koju se odnosi usluga snabdijevanja javnog snabdjevača.
- (5) Ukoliko javni snabdjevač nabavlja električnu energiju na način kako je propisan u stavu (4) ovog člana, za nenabavljenu količinu električne energije, u prijedlogu cijene vrši procjenu koštanja.

- (6) Nabavljena električna energija iz stava (3) ovog člana mora sadržavati propisani udio električne energije iz obnovljivih izvora i kogeneracije u skladu sa Zakonom o korištenju obnovljivih izvora energije i efikasne kogeneracije ("Službene novine Federacije BiH", broj 82/23).

Član 15.

(Cijena usluge snabdijevanja javnog snabdjevača)

- (1) Cijena usluge snabdijevanja javnog snabdjevača treba pokriti sve stvarno nastale troškove vezane za obavljanje usluge javnog snabdijevanja.
- (2) Troškovi usluge snabdijevanja iznose maksimalno 15% od ukupnog troška nabavke energije za snabdijevanje krajnjih kupaca kod javnog snabdjevača.

Član 16.

(Cijena korištenja prenosne/distributivne mreže)

Cijena za korištenje prenosne mreže, koja pokriva trošak obavljanja prenosne djelatnosti, trošak obavljanja rada operatora prenosnog sistema (NOSBiH-a) i trošak pomoćnih usluga, utvrđuje se odlukama DERK-a, dok cijenu za korištenja distributivne mreže utvrđuje FERK tarifama za korištenje distributivne mreže.

Član 17.

(Alokacija cijena po obračunskim elementima)

- (1) Cijene snabdijevanja kod javnog snabdjevača sastoje se od obračunskih elemenata: aktivna električna energija, obračunska snaga, prekomjerno preuzeta reaktivna električna energija i mjerno mjesto krajnjeg kupca.
- (2) Cijena nabavke energije kod javnog snabdjevača sastoji se od dvije komponente: komponente koja se odnosi na električnu energiju i komponente koja se odnosi na obračunsku snagu.
- (3) Komponenta koja se odnosi na električnu energiju alocira se na obračunske elemente: aktivna električna energija i prekomjerno preuzeta reaktivna električna energija.
- (4) Cijena usluge snabdijevanja javnog snabdjevača se prikazuje kao posebna stavka kroz obračunske elemente mjerno mjesto kupca i/ili aktivna električna energija.

Član 18.

(Cjenovni dizajn)

- (1) Cijena nabavke električne energije javnog snabdjevača alocira se na kategorije i grupe potrošnje. Pri alociranju cijene nabavke električne energije na kategorije i grupe potrošnje, u cilju izrade cijena snabdijevanja kod javnog snabdjevača, javni snabdjevač je obavezan voditi računa o izbjegavanju naglih cjenovnih promjena za krajnje kupce koji se snabdijevaju kod javnog snabdjevača.
- (2) Odnos između ulaznih cijena električne energije kategorije ostala potrošnja i kategorije potrošnje domaćinstvo na osnovu kojih je načinjen prijedlog cijena snabdijevanja kod javnog snabdjevača mora biti isti ili manji u odnosu na odnos između ulaznih cijena električne energije kategorije ostala potrošnja i kategorije potrošnje domaćinstvo na osnovu kojih su izračunate važeće cijene snabdijevanja kod javnog snabdjevača, sa ciljem postupnog ukidanja unakrsnog subvencioniranja.
- (3) Cijene snabdijevanja kod javnog snabdjevača po obračunskim elementima za kategorije i grupe potrošnje predlaže javni snabdjevač i iste se mogu diferencirati zavisno od količine potrošnje, doba dana i/ili sezone.

Član 19.

(Podloge za određivanje cijena snabdijevanja kod javnog snabdjevača)

- (1) Javni snabdjevač je obavezan uz prijedlog cijena snabdijevanja kod javnog snabdjevača dostaviti FERK-u obrazlo-

ženje i sve potrebne dokaze kojima se može potvrditi struktura troškova javnog snabdjevača, ekonomičnost nabavke električne energije, kao i način određivanja cijena snabdijevanja kod javnog snabdjevača.

- (2) Kao dokaze iz stava (1) ovog člana javni snabdjevač ima obavezu uz prijedlog cijena snabdijevanja kod javnog snabdjevača dostaviti i popunjene tabele iz Priloga 1 ovog pravilnika.

DIO ŠESTI - METODOLOGIJA ZA UTVRĐIVANJE CIJENA SNABDIJEVANJA KOD REZERVNOG SNABDJEVAČA

Član 20.

(Način utvrđivanje cijena snabdijevanja kod rezervnog snabdjevača)

Rezervni snabdjevač utvrđuje cijene za snabdijevanje krajnjih kupaca kod rezervnog snabdjevača u skladu sa metodologijom za utvrđivanje cijena snabdijevanja kod rezervnog snabdjevača, koja je propisana ovim pravilnikom.

Član 21.

(Cijene snabdijevanja kod rezervnog snabdjevača)

Cijene snabdijevanja rezervnog snabdjevača utvrđuju se na osnovu:

- a) troška nabavke električne energije,
b) troška usluge snabdijevanja rezervnog snabdjevača, koji iznosi maksimalno 5% od ukupnog troška nabavke električne energije,
c) troška korištenja distributivne/prenosne mreže,
d) troška debalansa kojeg učini pojedini krajnji kupac.

Član 22.

(Naknade i porezi)

U cijene iz člana 21. ovog pravilnika nisu ukalkulisane propisane naknade i iznos poreza na dodatu vrijednost koje su rezervni snabdjevači obavezni evidentirati na svakom individualnom računu krajnjeg kupca u skladu sa važećim propisima.

Član 23.

(Nadgledanje cijena snabdijevanja kod rezervnog snabdjevača)

- (1) Rezervni snabdjevač je obavezan da na zahtjev FERK-a dostavi i opravda sve troškove koji ulaze u cijene snabdijevanja kod rezervnog snabdjevača.
- (2) FERK nadgleda način utvrđivanja cijena snabdijevanja kod rezervnog snabdjevača.

DIO SEDMI - PRELAZNE I ZAVRŠNE ODREDBE

Član 24.

(Prilog uz pravilnik)

Sastavni dio ovog pravilnika je Prilog 1, koji sadrži tabele, koje javni snabdjevač dostavlja FERK-u uz prijedlog cijena snabdijevanja kod javnog snabdjevača.

Član 25.

(Prestanak važenja odredbi Pravilnika o snabdijevanju kvalifikovanih kupaca električnom energijom i postupku promjene snabdjevača - Pročišćeni tekst)

Stupanjem na snagu ovog pravilnika prestaje važenje odredbi člana od 1. do 14. i člana od 20. do 30., te Priloga 1 i Priloga 2 Pravilnika o snabdijevanju kvalifikovanih kupaca električnom energijom i postupku promjene snabdjevača - Pročišćeni tekst ("Službene novine Federacije BiH", broj 30/23).

Član 26.

(Stupanje na snagu i primjena)

Ovaj pravilnik stupa na snagu osmog dana od dana objave u "Službenim novinama Federacije BiH".

Broj 07-02-1-126-10/24
15. marta 2024. godine
Mostar

V.d. predsjedavajućeg
FERK-a
Jasmin Bešo, s. r.

PRILOG I

Javni snabdjevač:

Tabela 1
PLAN BROJA KUPACA ČE SE ISPORUČIVATI ELEKTRIČNA ENERGIJA ZA GODINU

[illegible]

Datum:

MP

Od governo lice:

Javni snabdjevač:

Tabela 2

PLAN ISPORUKE ELEKTRIČNE ENERGIJE ZA KUPCE KOJI SE SNABDJEVAJU KOD JAVNOG SNABDJEVAČA ZA GODINU (kWh)

kategorija potrošnje	domaćinstva				ostala potrošnja												javna rasvjeta	ukupno	
	I grupa	II grupa			I grupa			II grupa			III grupa	IV grupa			V grupa				
		VT	MT	ukupno	VT	MT	ukupno	VT	MT	ukupno	VT	MT	ukupno	VT	MT	ukupno			
1	2	3	4	5=3+4	6	7	8=6+7	9	10	11=9+10	12	13	14	15=13+14	16	17	18=16+17	19	20=2+5+8+11+12+15+18+19
I mjesec																			
II mjesec																			
III mjesec																			
IV mjesec																			
V mjesec																			
VI mjesec																			
VII mjesec																			
VIII mjesec																			
IX mjesec																			
X mjesec																			
XI mjesec																			
XII mjesec																			
ukupno																			

Datum:

Odgovorno lice:

MP

Javni snabdjevač:

Tabela 3

PLAN OBRAČUNSKE SNAGE ZA KUPCE KOJI SE SNABDJEVAJU KOD JAVNOG SNABDJEVAČA ZA GODINU (kW)

kategorija potrošnje	domaćinstva			ostala potrošnja						javna rasvjeta	ukupno
	I grupa	II grupa	ukupno	I grupa	II grupa	III grupa	IV grupa	V grupa	ukupno		
1	2	3	4=2+3	5	6	7	8	9	10=5+6+7+8+9	11	12=4+10+11
I mjesec											
II mjesec											
III mjesec											
IV mjesec											
V mjesec											
VI mjesec											
VII mjesec											
VIII mjesec											
IX mjesec											
X mjesec											
XI mjesec											
XII mjesec											

Datum:

MP

Odgovorno lice:

Javni snabdjevač:

Tabela 4

PLAN PREKOMJERNO PREUZETE REAKTIVNE ELEKTRIČNE ENERGIJE ZA KUPCE KOJI SE SNABDJEVAJU KOD JAVNOG
SNABDJEVAČA ZA GODINU (kVarh)

kategorija potrošnje	domaćinstva			ostala potrošnja						javna rasvjeta	ukupno
	I grupa	II grupa	ukupno	I grupa	II grupa	III grupa	IV grupa	V grupa	ukupno		
1	2	3	4=2+3	5	6	7	8	9	10=5+6+7+8+9	11	12=4+10+11
I mjesec											
II mjesec											
III mjesec											
IV mjesec											
V mjesec											
VI mjesec											
VII mjesec											
VIII mjesec											
IX mjesec											
X mjesec											
XI mjesec											
XII mjesec											

Datum:

MP

Odgovorno lice:

Javni snabdjevač:

Tabela 5

PLANIRANI TROŠAK NABAVKE ELEKTRIČNE ENERGIJE ZA KUPCE KOJI SE SNABDIJEVAJU
KOD JAVNOG SNABDJEVAČA ZA GODINU

izvor nabavke	količina električne energije (kWh)	trošak nabavke (KM)	ponderisana cijena nabavke (KM/kWh)
1	2	3	4=3/2
nabavka električne energije iz vlastite proizvodnje			
nabavka električne energije na tržištu*			
preuzimanje električne energije iz OIE			
ukupno			

Datum:

MP

Odgovorno lice:

*dostaviti dokaze za ostvarenu/planiranu nabavku električne energije na tržištu

Tabela 6

RAZLOŽENI TROŠKOVI I CIJENE SNABDJEVANJA KOD JAVNOG SNABDJEVAČA

Javni snabdjevač:

kategorije i grupe potrošnje	energija (kWh)	trošak energije (KM)	cijena energije (KM/kWh)	trošak usluge snabdjevanja (KM)	cijena snabdjevanja (KM/kWh)	trošak mreže (KM)	cijena mreže (KM/kWh)	trošak usluge javnog snabdjevača sa uključenim troškom mreže (KM)	cijena ukupno (KM/kWh)
1	2	3	4=3/2	5	6=5/2	7	8=7/2	9=3+5+7	10=9/2
0,4 kV - domaćinstva I TG									
0,4 kV - domaćinstva II TG									
0,4 kV - domaćinstva - ukupno									
0,4 kV - os. potrošnja I TG									
0,4 kV - os. potrošnja II TG									
0,4 kV - os. potrošnja III TG									
0,4 kV - os. potrošnja IV TG									
0,4 kV - os. potrošnja V TG									
0,4 kV - os. potrošnja - ukupno									
0,4 kV - javna rasvjeta									
ukupno									

Odgovorno lice:

MP

Datum:

Javni snabdjevač: *Tabela 7*
PROCENTUALNA PROMJENA PRIJEDLOGA CIJENA

kategorije i grupe potrošnje	važeće cijene/tarife				prijedlog cijena/tarifa				uporedba	
	trošak energija + snabdijevanje (KM)	cijena energija + snabdijevanje (KM/kWh)	ukupni trošak sa mrežarinom (KM)	ukupna cijena sa mrežarinom (KM/kWh)	trošak energija + snabdijevanje (KM)	cijena energija + snabdijevanje (KM/kWh)	ukupni trošak sa mrežarinom (KM)	ukupna cijena sa mrežarinom (KM/kWh)	povećanje / smanjenje troška energije + snabdijevanje (%)	povećanje / smanjenje troška sa mrežarinom (%)
1	2	3	4	5	6	7	8	9	10=6/2	11=8/4
0,4 kV - domaćinstva I TG										
0,4 kV - domaćinstva II TG										
0,4 kV - domaćinstva - ukupno										
0,4 kV - os. potrošnja I TG										
0,4 kV - os. potrošnja II TG										
0,4 kV - os. potrošnja III TG										
0,4 kV - os. potrošnja IV TG										
0,4 kV - os. potrošnja V TG										
0,4 kV - os. potrošnja - ukupno										
0,4 kV - javna rasvjeta										
ukupno										

Datum: MP Odgovorno lice: